


CONVENIO MARCO DE COLABORACIÓN ENTRE A CONSELLERÍA DE POLÍTICA SOCIAL, A FEDERACIÓN GALLEGA DE BANCOS DE ALIMENTOS E A FEDERACIÓN GALEGA DE MUNICIPIOS E PROVINCIAS (FEGAMP) PARA O ESTABLECEMENTO DUNHA COORDINACIÓN NA ENTREGA DE ALIMENTOS ÁS FAMILIAS EN SITUACIÓN DE VULNERABILIDADE E CON MENORES.



En Santiago de Compostela, a 23 de xuño de 2016

REUNIDOS

Don José Manuel Rey Varela, conselleiro de Política Social da Xunta de Galicia, en virtude do Decreto 126/2015, do 4 de outubro, polo que se nomean as persoas titulares dos departamentos da Xunta de Galicia, actuando en nome e representación da Xunta de Galicia, no uso das facultades que lle veñen atribuídas no artigo 34 da Lei 1/1983, do 22 de febreiro, de normas reguladoras da Xunta e da súa presidencia, no Decreto 116/2015, do 4 de outubro, polo que se modifica a estrutura orgánica da Xunta de Galicia, no Decreto 129/2015, do 8 de outubro, polo que se fixa a estrutura orgánica das consellerías da Xunta de Galicia e no Decreto 176/2015, do 3 de decembro, polo que se establece a estrutura orgánica da Consellería de Política Social.



Doutra parte, Don José Pita Chento, con DNI 33.199.205 Q, presidente da Federación Galega de Bancos de Alimentos, actuando en nome e representación da entidade, con CIF G32375115, de acordo co artigo 21 dos seus estatutos.

E doutra, Don Afredo L. García Rodríguez, presidente da Federación Galega de Municipios e Provincias (FEGAMP), no seu nome e representación, de acordo co artigo 44 dos seus estatutos.

As partes, na representación que respectivamente ostentan, decidiron subscribir un convenio marco de colaboración para establecer unha coordinación na entrega de alimentos ás familias en situación de vulnerabilidade e con menores a cargo, nos termos que seguidamente

EXPOÑEN


Primeiro.- Que a Xunta de Galicia, a través da Consellería de Política Social, ten competencias en materia de servizos sociais e inclusión social, de acordo co disposto no Decreto 176/2015, do 3 de decembro, polo que se establece a estrutura orgánica da consellería.



Segundo.- Que a Federación Galega de Bancos de Alimentos é unha entidade sen ánimo de lucro, constituída polos distintos bancos de alimentos que actúan na nosa comunidade, que se atopa inscrita no Rexistro de Entidades Prestadoras de Servizos Sociais co número de rexistro E-5847, e ten como fins, entre outros, os seguintes:

- 
1. Coordinar as actividades dos bancos membros, para o cumprimento dos seus fins propios.
 2. Potenciar os vínculos de unión entre os distintos bancos co fin de manter contactos e intercambiar información sobre as súas respectivas actividades.
 3. Tratar de que cada un dos bancos membros desenvolvan ao máximo os fins previstos nos seus estatutos.

Que para a consecución dos ditos fins leva a cabo diversas actividades, e entre elas destaca:

- 
1. Canalizar e distribuír aos federados as axudas globais que, en alimentos ou en forma de subvención, proveñan de calquera administración de carácter autonómico, nacional ou internacional.
 2. Colaborar á solución dos problemas de marxinación, paro e pobreza mediante a captación, almacenamento e distribución gratuíta de excedentes de alimentos ou outros artigos de primeira necesidade a centros asistenciais e persoas necesitadas, e mediante calquera outras accións asistenciais relacionadas que as circunstancias esixan.

Terceiro.- Que a Federación Galega de Municipios e Provincias (FEGAMP) é unha Asociación constituída polos entes locais que voluntariamente o decidan, que goza de personalidade xurídica plena e pública para o desenvolvemento das funcións que lle son inherentes e de plena capacidade para subscribir convenios e contraer compromisos ou obrigas, figurando entre os seus fins a representación e defensa das entidades locais, a promoción das competencias locais e calquera outro fin que afecte ou incida directa ou indirectamente nos seus asociados.

Cuarto.- Que o artigo 60 da Lei 13/2008, do 3 de decembro, de servizos sociais de Galicia,

establece como competencias dos concellos os servizos sociais comunitarios básicos. Considéranse competencias propias das entidades locais a atención de emerxencia as persoas e familias en situación de necesidade.

Quinto.- Que a situación de crise económica dos últimos anos motiva que moitas familias teñan problemas para cubrir as súas necesidades básicas por falla de recursos económicos, situación que ten unhas graves consecuencias se afecta á alimentación dos e das menores.



A Consellería de Política Social, a Federación Gallega do Banco de Alimentos e a Federación Galega de Municipios e Provincias coinciden na necesidade de abordar conxunta e coordinadamente as medidas de apoio ás familias en situación de vulnerabilidade e con menores a cargo que teñan problemas para cubrir as súas necesidades alimenticias, polo que as partes acordan asinar este convenio marco para facer posible e facilitar unha axuda de carácter alimenticio, mediante a colaboración dos concellos, coa finalidade antes exposta. A Lei 10/2013, do 27 de novembro, de inclusión social de Galicia, no artigo 57.4 establece que as administracións autonómica e local poderán conceder subvencións, así como subscribir, de acordo co artigo 31 da Lei 13/2008, do 3 de decembro, de servizos sociais de Galicia, convenios de colaboración con entidades de iniciativa social que dispoñan da capacidade e dos medios adecuados para a realización das actividades de inserción social de colectivos con problemáticas específicas e persoas beneficiarias da renda de inclusión social de Galicia.

CLÁUSULAS

Primeira.- Obxecto do convenio marco.



Este convenio marco ten por obxecto establecer un procedemento de actuación que determine a coordinación para a entrega de alimentos ás familias en situación de vulnerabilidade e con menores a cargo, previamente propostas polos concellos, e que non sexan beneficiarias de axudas coa mesma finalidade.

Segunda.- Procedemento de actuación.

Para os efectos deste convenio marco, é preciso ter en conta tanto as familias destinatarias como as accións que se organizan:

1.- Familias destinatarias.

Familias en situación de vulnerabilidade diagnosticada polos servizos sociais comunitarios do concello onde residen e que teñan menores a cargo. As circunstancias nas que se atopan as familias serán analizadas polos servizos sociais comunitarios do concello para determinar a necesidade de intervención cunha achega de alimentos básicos.

2.- Accións que se desenvolverán.

Os servizos sociais dos concellos determinarán cales son as familias con menores a cargo, que por falta de recursos económicos e non recibir outro tipo de axudas para cubrir ás necesidades alimenticias nos meses de verán, precisen esta achega extraordinaria de alimentos.



Unha vez verificado polos servizos sociais do concello que se cumpren as condicións do artigo 49 da Lei 10/2013, do 27 de novembro, de inclusión social de Galicia, comunicaranos directamente por correo electrónico á Consellería de Política Social, relacionando o DNI e a idade das persoas que forman parte da unidade familiar que necesitan os alimentos, xunto co consentimento expreso de cada unha das persoas para a cesión dos seus datos persoais á Consellería de Política Social e á Federación Gallega de Bancos de Alimentos.

A Consellería de Política Social contrastará a percepción por parte desas familias doutras axudas e prestacións concedidas pola propia Consellería coa mesma finalidade. Así mesmo, a Federación Gallega de Banco de Alimentos comprobará que non se subministraron outras axudas a esas mesmas familias.



Os concellos deberán indicar un lugar ou punto para que os bancos de alimentos fagan entrega dos lotes de alimentos, en función da súa petición, e organizar esa entrega ás familias que os solicitaron.

As familias recollerán os alimentos no lugar ou punto sinalado polo propio concello. O paquete entregado a cada familia permitirá alomenos unha comida diaria a todas as persoas da unidade familiar.

Terceira.- Compromisos da Consellería de Política Social.

A Consellería de Política Social comprométese a que:

- 
- Facilitará aos concellos toda a información que sexa necesaria para levar a cabo a selección das familias con menores e a entrega dos lotes de alimentos previstos neste convenio marco.
 - Prestará información sobre o procedemento previsto neste convenio marco e o contido das axudas, así como para a resolución de calquera dúbida que puidese xurdir nas actuacións derivadas da súa execución e derivarán aos servizos sociais comunitarios básicos dos concellos ás persoas e familias que pregunten sobre estas axudas por atoparse nas circunstancias de vulnerabilidade que puidesen xustificar o acceso a aquelas.
 - Contrastará a percepción doutras axudas ou prestacións coa mesma finalidade por parte das persoas integrantes das familias propostas, e que previamente presten o seu consentimento, e remitirá os datos á Federación Gallega de Bancos de Alimentos para

que comproben que non existe solapamento na entrega doutros lotes de alimentos.

Cuarta.- Compromisos da Federación Galega de Municipios e Provincias (FEGAMP).

A Federación Galega de Municipios e Provincias (FEGAMP) comprométese a que:



- Promoverá entre os seus asociados o coñecemento deste convenio marco, buscando a súa colaboración para a execución dos compromisos nel recollidos. Isto é, a selección das familias e a entrega efectiva dos lotes de alimentos, previamente transportados e depositados pola Federación Galega de Bancos de Alimentos no lugar designado por aqueles.

Quinta.- Compromisos da Federación Galega de Bancos de Alimentos.

A Federación Galega de Bancos de Alimentos comprométese a que:



- Os bancos de alimentos distribuirán os lotes de alimentos a cada concello, en función da súa petición. O paquete entregado por cada familia permitirá alomenos unha comida diaria a todas as persoas da unidade familiar.
- Contratará a percepción doutras axudas alimentarias por parte das persoas das familias que autoricen previamente a consulta dos seus datos coa finalidade antedita.
- Subministrará á Administración toda a información necesaria para o cumprimento das obrigas previstas no Título I da Lei 1/2016, do 18 de xaneiro, de transparencia e bo goberno.

Sexta.- Confidencialidade da información e dos resultados.



A Consellería de Política Social, a Federación Galega de Banco de Alimentos, así como os concellos comprométense a garantir a total confidencialidade dos datos persoais e familiares aos que teñan acceso como consecuencia das actividades realizadas, previa autorización expresamente recollida por parte das persoas beneficiarias relativa á cesión do seus datos con esta finalidade, de acordo co disposto na Lei orgánica 15/1999, do 13 de decembro, de protección de datos de carácter persoal, e do Real decreto 1720/2007, do 21 de decembro, polo que se aproba o regulamento de desenvolvemento da dita lei.

Igualmente comprométense a observar o establecido na Lei 30/1992, do 26 de novembro, de réxime xurídico das administracións públicas do procedemento administrativo común, no que se refire ao acceso limitado ás propias persoas interesadas en relación cos documentos que conteñan datos referentes á súa intimidade.

Sétima.- Inclusión no Rexistro de Convenios.

A sinatura deste convenio marco leva implícita a autorización da entidade para a inscrición no rexistro de convenios, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia e a súa publicación, de conformidade co previsto na Lei 1/2016, do 18 de xaneiro, de transparencia e bo goberno.

Oitava.- Gastos de execución do convenio marco.

A Federación Gallega de Bancos de Alimentos asumirá, no seu caso, o custo das actuacións que deba realizar, no relativo a adquisición e traslado dos lotes de alimentos, segundo o estipulado no clausulado deste convenio marco. Para as demais partes asinantes, non implicará gastos de execución, limitándose a actuar como entidades colaboradoras.

Novena.- Inexistencia de relación laboral.

A subscripción deste convenio marco non implicará relación contractual ningunha entre a Consellería de Política Social e as persoas que desenvolvan as actividades que constitúen o obxecto daquel, de xeito que por este concepto non se lle poderá esixir responsabilidade ningunha, ni directa nin subsidiaria, polo acontecido no desenvolvemento do convenio marco.

Décima.- Comisión de seguimento do convenio marco.

Crearase un órgano mixto de vixilancia e control da execución e aplicación deste convenio marco e da resolución de controversias acerca da súa interpretación e aplicación. Esta comisión de seguimento estará integrada por dúas persoas en representación de cada unha das partes asinantes.

Décimo primeira.- Vixencia do convenio marco.

O convenio marco terá vixencia dende a data da súa sinatura ata o 31 de agosto de 2016.

Décimo segunda.- Resolución do convenio marco.

Este convenio marco quedará resolto polo mutuo acordo das partes asinantes, por denuncia dunha delas, previa comunicación escrita á outra parte con alomenos un mes de antelación á expiración da súa vixencia, ou por causa de forza maior.

Décimo terceira.- Carácter administrativo do convenio marco.

O presente convenio marco terá carácter administrativo, rexéndose os seus efectos polo establecido nas súas cláusulas e no non previsto aplicaráselle os principios contemplados no

Real decreto legislativo 3/2011, do 14 de novembro, polo que se aproba o texto refundido da Lei de Contratos do Sector Público, para resolver as lagoas e dúbidas que puidesen presentarse. A Administración gozará de todas as prerrogativas inherentes á natureza administrativa do convenio marco.

As cuestións litixiosas xurdidas acerca da interpretación, modificación ou efectos do convenio marco serán resoltas pola Consellería de Política Social poñendo os seus acordos fin á vía administrativa, cabendo contra elas, recurso potestativo de reposición, no prazo dun mes ante o mesmo órgano que ditou a resolución, segundo o previsto na Lei 30/1992, do 26 de novembro, de réxime xurídico das administracións públicas e do procedemento administrativo común, ou poderá interpoñerse directamente recurso contencioso-administrativo, no prazo de dous meses contados desde o día seguinte ao da notificación do acto que poña fin á vía administrativa, se fose expreso. Se non o fora, o prazo será de seis meses e contarase, para o solicitante e outros posibles interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Para eses efectos o tribunal competente será o Tribunal Superior de Xustiza de Galicia.


Décimo cuarta.- Publicidade no Portal de Transparencia e Goberno Aberto.

As partes asinantes autorizan a publicidade dos seus datos persoais e demais especificacións recollidas neste convenio marco de colaboración no Portal de Transparencia e Goberno Aberto.

E en proba de conformidade de canto antecede, e para a debida constancia, asinarse este convenio marco, por triplicado e a un só efecto, no lugar e data arriba indicados.



O conselleiro de Política Social



O CONSELLEIRO

José Manuel Rey Varela

O presidente da Federación Galega
de Municipios e Provincias (FEGAMP)



FEDERACIÓN GALEGA DE MUNICIPIOS E PROVINCIAS

Afredo J. García Rodríguez

O presidente da Federación Gallega
de Bancos de Alimentos



José Pita Chento